

## FAQ Penguatkuasaan Fasa Kedua Akta Perubatan Tradisional dan Komplementari (PT&K) 2016 [Akta 775]

1. Siapakah yang boleh mendaftar di bawah Majlis PT&K?

Pengamal PT&K yang mengamal dalam bidang amalan diiktiraf sahaja dibenarkan berdaftar di bawah Majlis PT&K

2. Apakah bidang amalan diiktiraf di bawah Akta 775?

- a. Perubatan Tradisional Melayu
- b. Perubatan Tradisional Cina
- c. Perubatan Tradisional India
- d. Homeopati
- e. Osteopati
- f. Kiropraktik
- g. Pengubatan Islam

3. Bilakah pendaftaran pengamal PT&K bermula?

**Penerimaan permohonan pendaftaran pengamal perubatan tradisional dan komplementari dalam bidang amalan diiktiraf** telah bermula pada 15 Mac 2021. Sila layari laman web rasmi Bahagian Perubatan Tradisional dan Komplementari (BPTK), [klik di sini](#) untuk maklumat lanjut.

4. Apakah yang dimaksudkan tempoh peralihan (yang berkaitan dengan fasa kedua penguatkuasaan Akta 775)?

Tempoh peralihan untuk tujuan pendaftaran pengamal adalah tempoh masa yang ditetapkan untuk membenarkan pengamal yang dikategorikan sebagai golongan 'grandfathering' iaitu pengamal tanpa kelayakan asas yang diiktiraf tetapi berkemahiran dan berpengalaman dalam sesuatu bidang amalan yang diiktiraf, untuk berdaftar dengan Majlis PT&K mengikut keperluan yang dinyatakan.

**Tempoh peralihan** merujuk kepada subperaturan 1 (3) Peraturan-Peraturan PT&K 2021 dan subperaturan 2 Peraturan-Peraturan PT&K (Pindaan) 2024 iaitu dari **1 Mac 2021 hingga 28 Februari 2025**.

5. Bagaimanakah proses pendaftaran ini akan dijalankan?

Pendaftaran hanya akan dilaksanakan bagi bidang amalan yang diiktiraf dan kini dibuka kepada pengamal dari seluruh negara. Garis panduan

pendaftaran pengamal PT&K tempatan mengikut bidang amalan yang diiktiraf dan borang permohonan boleh dimuat turun daripada laman web rasmi BPTK. Permohonan lengkap perlu dihantar kepada Pendaftar, Majlis PT&K **melalui pos** atau **secara serahan tangan** di kaunter pendaftaran pengamal PT&K dengan temujanji ([sila klik di sini untuk membuat tempahan temujanji](#)).

6. Apakah borang pendaftaran yang perlu dihantar untuk pengamal PT&K tempatan?

Sila rujuk Permohonan Pengamal PT&K Tempatan ([klik di sini](#))

7. Apakah borang pendaftaran yang perlu dihantar untuk pengamal warga asing?

Sila rujuk Permohonan Pengamal PT&K Warga Asing ([klik di sini](#))

8. Saya berdaftar di bawah Persatuan XYZ, adakah saya layak untuk Permohonan Pengecualian Pendaftaran Sementara dan boleh terus membuat Permohonan Untuk Pengamal Berdaftar?

Pengamal yang berdaftar dengan salah satu daripada Badan Pengamal Sebelum Permulaan Kuat Kuasa Akta (Sebelum 1 Ogos 2016) sahaja yang dibenarkan untuk dikecualikan daripada Permohonan Pengecualian Pendaftaran Sementara dan terus membuat Permohonan Untuk Pengamal Berdaftar. Sekiranya anda tidak berdaftar dengan salah satu daripada lapan badan pengamal tersebut sebelum 1 Ogos 2016, anda perlu membuat Permohonan Pengecualian Pendaftaran Sementara dan seterusnya perlu membuat Permohonan Untuk Pendaftaran Sebagai Pengamal Berdaftar.

Senarai Badan Pengamal Sebelum Permulaan Kuat Kuasa Akta 775 adalah seperti berikut:

Bidang Amalan	Badan Pengamal
Perubatan tradisional Melayu	Gabungan Pertubuhan Pengamal Perubatan Tradisional Melayu Malaysia
Perubatan tradisional Cina	Persatuan Tabib Tionghua Malaysia
	Persekutuan Persatuan Tabib dan Pedagang Ubat Tionghua Malaysia
	Persekutuan Persatuan Tabib Perubatan Tradisional Cina dan Akupunktur Malaysia

Perubatan tradisional India	Pertubuhan Perubatan Tradisional India, Malaysia
Homeopati	Majlis Perubatan Homeopati Malaysia
Kiropraktik dan Osteopati	Gabungan Pertubuhan Perubatan Komplementari dan Alami Malaysia
Pengubatan Islam	Persatuan Perubatan, Pengubatan dan Kebajikan Islam Malaysia

9. Siapakah yang perlu melalui Kursus Pembangunan Kapasiti?

Pengamal yang tidak mempunyai kelayakan diiktiraf dalam Perubatan Tradisional Melayu/Cina/India atau Homeopati dan berumur kurang daripada 50 tahun tetapi memenuhi keperluan pengalaman seperti yang ditetapkan oleh Majlis PT&K perlu menjalani Kursus Pembangunan Kapasiti sebagai salah satu kriteria untuk berdaftar dengan Majlis PT&K dalam tempoh peralihan (sila rujuk Garis Panduan Pendaftaran Pengamal PT&K Tempatan untuk bidang amalan yang berkaitan untuk maklumat lebih lanjut).

10. Adakah saya masih boleh mengamal sekiranya saya belum berdaftar?

Anda masih boleh mengamal dan terus memberikan perkhidmatan secara selamat dan beretika sehingga akhir tempoh peralihan iaitu **28 Februari 2025**. Implementasi penuh Akta PT&K 2016 akan dijalankan pada Fasa Ketiga penguatkuasaan akta ini. Namun, sekiranya anda mengamal dalam bidang amalan diiktiraf, anda disarankan untuk berdaftar dengan Majlis PT&K secepat mungkin.

11. Bolehkan saya berdaftar dalam lebih daripada satu bidang amalan diiktiraf?

Anda dibenarkan membuat permohonan pendaftaran untuk lebih daripada satu bidang amalan diiktiraf sekiranya anda memenuhi kriteria pendaftaran seperti yang dijelaskan dalam Garis Panduan Pendaftaran Pengamal PT&K Tempatan untuk bidang amalan diiktiraf yang berkaitan. Anda juga perlu membuat bayaran fi yang berkaitan untuk setiap permohonan yang dibuat.

12. Adakah saya masih boleh mengamal bidang amalan yang tidak termasuk dalam bidang amalan diiktiraf?

Pada ketika ini, anda masih boleh mengamal dalam bidang amalan yang belum diiktiraf secara beretika serta memastikan segala perkhidmatan yang diberikan adalah selamat dan tidak memudaratkan pesakit.

13. Bagaimanakah untuk mengetahui sama ada saya perlu menghadiri Kursus Pembangunan Kapasiti?

Bagi pemohon yang perlu menghadiri Kursus Pembangunan Kapasiti, anda akan dimaklumkan melalui emel atau surat. Anda dikehendaki menghantar Bukti Kehadiran Kursus Pembangunan Kapasiti selepas selesai menjalani kursus tersebut kepada Pendaftar, Majlis PT&K **melalui pos** atau **secara serahan tangan** di kaunter pendaftaran pengamal PT&K dengan temujanji ([sila klik di sini untuk membuat tempahan temujanji](#)).

14. Saya pernah menghantar permohonan pendaftaran secara sukarela dengan BPTK sebelum penguatkuasaan Akta 775. Perlukah saya menghantar kembali permohonan pendaftaran sekarang?

Permohonan pendaftaran secara sukarela yang dihantar kepada BPTK sebelum 1 Ogos 2016 TIDAK DIANGGAP sebagai permohonan yang sah untuk berdaftar dengan Majlis PT&K. Oleh itu, anda perlu menghantar kesemua dokumen yang disenaraikan di laman web BPTK untuk tujuan pendaftaran di bawah Majlis PT&K. Permohonan yang tidak lengkap akan ditolak.

**Dikemaskini pada 6 Mei 2024**